

إبراهيم إبراهيم بصلة

ترانيم فى حب الوطن

أشعار

طبعة أولى ديسمبر ٢٠١٩



(أشعار)

ترانيم فى حب الوطن

بطاقة الكتاب

عنوان المؤلف	ترانيم فى حب الوطن
المؤلف	إبراهيم إبراهيم بصلّة
التصنيف	أشعار
رقم الإيداع	25876 - 2019
الترقيم الدولي	978-977-6771-18-5
الإصدار الداخلى	538 الطبعة الاولى ديسمبر 2019
عدد الصفحات	100 صفحة
تصميم الغلاف	مؤسسة النيل والفرات

جميع حقوق الطبع والنشر محفوظة للمؤلف، ولا يحق لأى دار نشر طبع ونشر وتوزيع الكتاب أو ترجمته أو الإقتباس منه أو نشره على انت الا بموافقة كتابية وموثقة من المؤلف

مؤسسة النيل والفرات للطبع والنشر والتوزيع

ثورة مصرية تشرق إبداعاً على الوطن العربي

رئيس مجلس الإدارة

ناجى عبد المنعم



رخصة مزاولة مهنة: 58365 - سجل تجاري: 13242 / 2017 - بطاقة ضريبية: 35-01-572

عضو عامل باتحاد الناشرين المصريين رقم 941 لسنة 2018
هاتف: 01011256943 - 01116202218 - 01202541192 طيفاكس: 020554372901

النيلى والفرات nagegy200064@gmail.com

alnilwaalfourat alnilwaalfourat@gmail.com

المقر الرئيسى: ج.م.ع محافظة الشرقية - العاشر من رمضان - مجاورة 13 - امام سنتر الـ 13 - عقار 304

الإهداء

الي
كل من علمني حرفا
أسرتي
وروح والدي
وروح أستاذي الفاضل السيد حنيجل الذي تمنى لي يوما
أن أكون أديبا ،
وآمل أن أكون قد حققت أمنيته

إبراهيم إبراهيم بصلّة



مقدمة

مع ترانيم في حب مصر لعنا نتذكر ما علمنا إياه
رسولنا محمد (ص) وهو يخرج من مكة المدينة حرسهما الله
- حيث قال كلمة دوت في أعماق

التاريخ العالمي والاسلامي ناطقة حروفها :
"والله إنك لأحب بلاد الله إلي الله وأحب بلاد الله إلي ولولا أن
أهلك أخرجوني
منك ما خرجت" وقد نبت حب الوطن منذ نشأنا في قرانا ومدننا
حيث همنا

بمفاتيح الطبيعة وزروعها وطيورها وثمارها وشبابها ورجالاتها
وأثارها التي تهيم بأجدادنا منذ تاريخ الحضارة المصرية
القديمة .

ومع عتبة هذا الديوان نقرأ الترانيم التي تصل الي (١٩)
قصيدة متنوعة للشاعر / إبراهيم إبراهيم بصله ابن قرية مليج
مركزشبين الكوم التي أنجبت الشاعر المحافظ والمجدد
المسرحي الأستاذ / محمود غنيم (١٩٠١_١٩٧٢) ويهدي
شاعرنا ديوانه الي كل من علمه حرفا نافعا في قريته التي توسم
الأستاذ/ السيد جنيجل أن يكون شاعرنا أديبا وقد حقق له أمنيته

ويضم الديوان العناوين ماكتب منذ ١٩٧٣ وحتى الآن في
مصر والعراق فيقول عن دفتر الغرب : شجرة التوت دي كانت



في يوم القوت / قولي لحبيبتى السنه دي عليها تفوت / تراعيها
وتقطف منها بإيديها / وتسألها ع الذكري تناجيها ، كما
تحدث عن شهيد رفح وزملانه وكيف كان الارهاب يترصد لهم
أثناء الافطار في شهر الصيام ويصور حال الغادرين قائلا :
الغدر جالك وأخوك بيركع/ الحسرة عليك ويا الألم جوانا بتوقع
/ ولأنه جبان إختار
الأذان ساعة لغدره/ كمل فطارك عند ربك / مين ياشهيد بقي
قدك؟

ويتحدث عن دستور مصر الذي صاغه علماؤنا وقضاتنا
بعد أن مرر بتجارب عديدة قائلا: دستور مصر هو دستورنا
/ يحميننا م الحاكم لما يغدرنا / خلي العدل ينور دورنا / صوت
الحق دائما عالي / إرادة الشعب المصري تلامي
وكتب عن حب مصر قائلا : خلوا الأمل يعرف من تاني
مراسينا / بعد الظلم خلاص ما انزاح / بعد القهر ماراح
بوشاح / بعد الصبح ماصار فتاح.

ومع ترانيم شاعرنا يتحدث عن ثورة يناير ٢٠١١ و ثورة
يونيو ٢٠١٣ وعن سيناء الغالية و بنت البلد ويشيد بوحدة
الشعب المصري التي حاول الأعداء تمزيقها بما فعلوه في
كنيسة القديسين بالاسكندرية قائلا : أمانة تمسحي دموعك/
وحياة ربك ويسوعك / وبرب قرآنه وإنجيلك/ قيدي من تاني
شموعك/ دقي أجراسك في ربوعك / ورب العدرا الطاهرة
البتول/ الغدر منا ماراح ينول / وحنفضل سوا نقول: مصر
أمان علي طول



كما ذكرنا بمأساة الأقصر التي فعلها الارهاب الخسيس لضرب السياحة واقتصاد مصر قائلا: مصرأم الدنيا أمان مصرجنات الرحمان / زي ماقالها الرب ومسطرها في القرآن ، ولم ينس قضية الغاز الذي عم بلادنا بفضل الله بعد أن كان التجار يعبثون بأسعاره ، وأشاد بشرم الشيخ التي أصبحت عروس جنوب سيناء وكثرت بها مؤتمرات الشباب وعادت السياحة إليها بعد شق الطرق التي تربط الشمال بالجنوب والوادي والنيل من خلال أنفاق القناة قائلا:

يابنت مصر المحبة والوئام / قومي مدي إيدك لضيوفك / خلي الارهاب يشوفك / راجعة تاني منورة/ الحنة مالية كفوفك تحياتي لشاعرنا ابن المنوفية الذي فاض شعره ألقا من خلال صحيفتها وصحيفة المصري اليوم ، وبارك الله في الكلمة الشاعرة والموسيقي الشادية في ترانيم الشاعر بحب مصر.

الأستاذ

عبد الرحمن البجاوي

عضو اتحاد كتاب مصر

٢٠١٩/١٢/٩



طول عمرک يامصر ولاده

طول عمرک یامصرولاده

طول عمرک یامصرولاده
لاهیة منه منی ولاشهادة
یام الحضارة سنین
سبع تلاف سنة و زیادة
جوه التاريخ متسطرة
بأمجاد ولادک متعطرة
طرحت جناین فل مزهرة
جوه الميدان متصورة
أحفاد عرابی وزغلول
یحکی المغنی ویقول:
والآثار شرحها یطول



شياطين الأقصر

يامغيرين حال الانس
مستحيل
تبقوا م الانس
عمر أبوكوا مايكون ادم
انتوا جنس واحنا جنس
بتخربوا وبتقتلوا في البشر
والي بيقتل كانه انتصر
عاشقين لون الدم
الحب في قلوبكو انتحر
بتخربوا ف حضارة السنين

وبتقتلوا
وتقولوا الدين
جبتوا الدين والملة منين
انتوا اخوان شياطين
شيببتوا
الطفل وهو جنين
والله حرام
تندفوا ف نفس الطين

يا اقصر
يامو الحضارة
ارجعي لعزك والمنارة
افتحي من تاني أحضانك
انسيهم دول حثالة
قولي :
لكل العالم أهلا



قولي :
لكل العالم سهلا
جوه عيوننا نشيلكم
ونغني معاكم جهرا

مصر
أم الدنيا أمان
مصر جنان رحمان
زي ما قالها الرب
ومسطرها في القرآن

الناس والغاز



(أشعار)

ترانيم فى حب الوطن

الناس والغاز

مين قال
للناس اتطـوروا
مين قال
للناس اتغيروا
كانوا راضيين
بوابور الجاز
عشان انبوبة غاز أتحيروا
الوقت
الغالي منهم ضاع
م الغاز
عاشين في صراع
طابور
والاخ بيضرب أخوه
ماهي زحمه
وناس في ضياع

كان ماله الفرن الطين
الناس كانوا بيه راضيين
معقوله

الغاز اتجمد
قولوا

يابتوع التموين

حارج

للجلة من تاني

ونغني

ونقول يازماني

أيام

حلوه وراحت

يا غاز انساني انساني

أهلا بالقش ودخان

والله واحشنا زمانه

كفاية

كلام ع البيئه

عومتو القلب ف أحزانه

سريح الغاز عايش

عصره



نترجاه
من شباك قصره
السعر
خمس أضعاف
التموين ع العالم نصره
يا خوانا
العقل احتار
لأنبويه بنعمل زار
ويقولوا عصر الانترنت
فين
أصحاب القرار؟؟؟

يا شرم الشيخ



(أشعار)

ترانيم فى حب الوطن

يا شرم الشيخ

يا شرم الشيخ جففي
دمومك
أمانه تقيدي من ثاني
شموعك
ورب رسولنا محمد
وحبيبنا يسوعك
ارفعني رايتك فوق
ربوعك
رجعي لمصر من ثاني
الأمانى
الأمل والفرح جوه
الأغاني
انسى همومك ماتزوديش
أحزاني



يابنت مصر
المحبة والسلام
يابنت مصر
الخير والوئام
التي عملوها دول
شوية لئام
في الخراب واخدين
وسام
ولاليهم ملة ولادين
ولا همه أصلا
بني آدميين
ولا شاربين من نيلك
ولا واكليين
من نفس الطين
قومي
مدي ايدك لضيوفك
خللي الارهاب
يشوفك
راجعة تاني حلوه منوره
الحنة ماليه كفوفك

قومي
من تاني كيدي عذالك
قومي
من تاني روقي حالك
انسي خلاص اللي جري
افتحي
حضنك لحبايبك ويا زوارك
خللي نور الصبح
يرجع يشقشق
الكنائس والجوامع تزقزق
يعلي من تاني صوت
الآدان
الله أكبر ع المحبة تدقق

الوقت عدى وفات



(أشعار)

ترانيم فى حب الوطن

الوقت عدى وفات

الوقت عدى علينا وفات
خلصت دورة الأزمات
أول سيناريو فيها اتعلمناه
يعيش
الحب بيننا والذكريات
دورة لمت شمل العرب

بأمان
من قطر وبلد النبي العدنان
الأردن
وبلاد اللؤلؤ والمرجان
الكويت

الغالية وكمان لبنان
علي أرض
مصر المحروسة إتلمينا
م القلب
كل همومنا قلنا وحكيها
الحب عمره يوم م نسينا

رب الكون هوه اللي كان هاديننا
جوه محراب أعظم أكاديمية
ناصر جاب ليننا الحرية
و ف حب الوطن خدنا حاجات
وقد ايه لازم تحيا
الأمة العربية

نقل الخبرة بينور للضرير
الفارس يبقي إزاي أمير
فكر جامد إوعي تكون أسير
خليه صاحي دايمًا الضمير



ولقينا حوالينا كثير
أزمات
والعرب عرفوا ليه السكات
نسيوا ليه بكره اللي آت
خلوهم يتحكمواحتى بالجات
بغداد بتنادي هارون
الرشيد

يصحي يعيد التاريخ
المجيد
يرجع من تاني
الفجر البعيد
مجد العرب يرجع
هوه المنشيد
ندورع الإنذار المبكر
والشواهد

التاريخ حيبقي علينا اهوہ الشاهد
نعرف هدفنا محدش بيننا يباعد
نخطط ننفذ
بالهمة دايما والسواعد
دا إحنا الأصل وإحنا الحضارة
السيناريو
يبقي جاهز والجساره
من غير
فهلوة وبالكلام شطارة

ولاعمرنا نقول :
الدنيا كدا دواره
بايدينا
نوصل أبعد م القمر
من غير مانظلم معانا القدر
زي ماقال
جمال حواش منستناش

لما يبجي الخطر
نصر أكتوبر لسه مش بعيد
سينا رملها مروي بدم الشهيد
الله أكبر
كانت هيه النشيد
بالإرادة
بقي لينا يوم عيد



يابنت بلدي

يابنت بلدي ياطيبة
خلينا كدا
نكيد العدا
الصحة تبقي تمام
من غير دوا
أيوه كدا
حلو وجميلة الفرخة
مجمدة

اسم الله عليها
ربك نحمده
م السوق بلاها صاحبة
فيها بلاوي جيه معدة
جوه الرياشة

عائشة ممددة
للصحة الغالية مهددة
نبعد عن الشر
ونغنيله

فيروسيها فارش مناديله
لا يجيلي
يامه ولا أجيله
بيخلي الجسم يطول
ليله
انفلوانزا قوية
وجبارة

مبينف عش معاها شطارة
بتوش يا خاله
ما بتخللي
زهرة كبيرة ولا نواره
عائزة

تربي يامه ربي
بس شدي
حيك يالا شدي
سطح دارك

قومي سدي
لطيير مهاجر فوقه يهدي
جوه مكان معزول خليه
عن بعض لازم تبعديهم
النوم مكانه اوعي تقربيه
ولادك
ضناكي عنهم ابعديهم
وأما تخشي عليهم
ايدك اغسلهم
بس لازم

الأول تحصنهم
وان فرخة ماتت
قومي بلغي
في الشارع اوعي ترميهم
بتوع الطب
احكي يامه وسمعي
لو تداري

المرض حيخليكي تتوجعي
وانت يابنت المدينة
معقولة بط ف تراسينه
ريش وبلاوي
ماانت مخليه
واهي جارتك زهقانه وحزينة
فين الورود والأزهار
ريحة الياسمين لما يطلع
النهـار

صباح الخير م الجار للجار
تخلي المرض يعمل فرار
ياخاله بهيه ياعمه حمده
ياجارة نجيه
ياستو مسعدة

الايد ويا الايد العزم حديد
الخطر عنا نقدر نبعد
قومي ياللا ياست الدار
الخطر داجد مش هـزار
زي ماعبرنا وجبنا الانتصار
نحمي بلادنا من الأخطار



غَنَّى يَا بَغْدَاد

غنى يا بغداد

اصحوا وفوقوا يا بشر
بالجزمة
بوش انكسر
حيوا معايا البطل
منتظر
رجع الكرامة
هزم الخطر
يسلم مداسك يا منتظر
اللي رمي
حنالة البشر
هووه كدا اللي بيحتل
ويخللي
الصبايا يعيشوا ف خطر
غني يا بغداد وارفعي راسك
منتظر هزم اللي داسك

ضيع الأمان من فوق
ربوعك
رجعي من ثاني
فرحك وأعراسك
قولي لدجلة
روق من ثاني حالك
منتظر
ابنك جلوب عن سؤالك
رجعلك
طهرك ويا جلالك
الجزمة فاقت كل
سلاح
الجزمة قالت :
حيرج الصباح
سجل واكتب يا تاريخ
الجزمة قالت :
للغاصب ينزاح
مين اللي قال :
دا ضيف
مين اللي قال :

داشریف
دا غاصب محتل بینهب
واللي اتقال
غیر کدا تزیف
رسالة قوية سجلها
التاریخ
للظالم غلبت كل
التصاریح
رماها من غیر خوف و بحرقة
خلت كل سلاح أمريكا
تباریح

يا كنيسة القديسين

يا كنيسة القديسين

يا كنيسة القديسين
اللي عملوها دول شياطين
ملهمش مله أبدا ولادين
دا حنا جسد
بالحب متعاهدين
بنقسم اللقمة سوا
نصارى ومسلمين

برهومه
علمني أكتب باسم
جرجس
علمني أرسم هلال محلاه

في طابور
الصباح نغني لمصر
هيه تاجنا
وهيه الروح والجاه

عيسي
في قلوبنا
والقرآن سماه
ورسولنا
صلي في القدس معاه
الحب
اللي بيجمعنا يا محلاه
الوطن
للكل والدين لله

حتى غيطانا
بزرعها متعانقين
في ضل شجرها
تلاقينا قاعدين

نغزل حب
ونشرب فرح وجد
جنود الـرب
علينا دائما شاهدين

أمانه
تمسحي دموعك
وحياة ربك
ويسوعك
وبرب قرآنه وإنجيلك
قيدي من تاني
شموعك

دقي
أجراسك في ربوعك
شايقه المآذن
والحزن اللي ماليتها
محمد



رسولنا بالحب معلـيها
علي حب الناس ربانا

دعوة
سلام ماشيين عليها
اللي جري
وجعنا كلنا

كتر
همومنا وزود حزننا
الدم اللي سال دا دمننا
والهدف الغاليه مصرنا
ورب الطاهرة العدرا
البتول

الغدر
منا ما راح ينــــول
وحنفضل سوا نقول :
مصر
أمان علي طول

سينا ياغالية

سینا یا غالية

أغلي م الذهب
كان عندنا رملك
أعز م الولد.
حزننا من يوم ظلمك
أصعب م الموت
كان علينا ألمك
أمر م الصبار
يوم مائزل علمك
وبقينا ف شط و انت ف شط
من يومها
الحزن علينا حط



عار
وانكتب بأسود خط
خللي المرار
م القلم فـط
ست سنين
رمك ياغالية حزين
الثانية ف بعدك عدت علينا
سنين
لايوم فرحنا ولالحظة نامت عين

يومياتي السؤال
الوادي المقدس فين
ياسينا
ياأرض الأنبيا والديانات
ياللي الخليل
عدي عليكي وفات

العذرا
الطاهرة مرت كمان بثبات
هارون
النبي ليه فيكي رفات
ازاي
نخلي النجاسة تدنسك
ازاي
نسيب الحزن يفرشك
ياواخده م القمر اسمه

لازم ترجعي
وبروحنا نحرسك
واحكي وقولي
ياشدوان
الغاصب عمره ماحس أمان
ببولاد مصر الشجعان
وايلات
وياكي أكبر عنوان
وبأمر الله حلف السادات

بدم الشهيد اللي عمره مامات
قبل دا كله
برب السماوات
مهما عدي الوقت وفات
لازم ترجع أرضك
حرة
تفضل طاهره ياسينا للممات

وبعد ما طال الصبر
صلوا الرجال الفجر
صاموا
لرب الكون
حلفوا يوفوا النذر
الله أكبر
كان أغلي ندا
الله أكبر
ضيع كل العدا
الله أكبر
كان نشيد الفدا

خلي القلوب متوحدا
عيسي ومحمد واسماعيل
جرجس وحننا وصموئيل
غنوا
للموت مواويل
حب الوطن أغلي سبيل
شدوا
الرحال متوحدين

قالوا
ياسينا جاينين
نمحي
غدر سنين
نرجع
تاني حطين
وف ست ساعات عبروا الولاد
القوة
كانت من رب العباد
الروح

هانت والحلم كان استشهد
ويا النصر كان
ليهم ميعاد
علي أرضك
صلوا المغرب ومعاه العصر
حمدوا ربك
برجوعك حزن مصر
فوق جبالك رفعوا أعلام النصر
دم الشهدا كان أغلي
جسر

من فوق خدودك شالوا
دمعتك
فوق جبينك
رجعوا ثاني بسمتك
ولادك
خضروا أرضك
نوروا سكتك
جوه القلوب

محفورة ياغالية محبتك
يوم رجوعك بقا لينا عـيد
يوم رجوعك بقا لينا
نشيد
أرض الفيروز الغالية
نحميها
بروحنا وبعزم أكيد



عمر اللى فات
ما يرجع تانى



عمر اللى فات ما يرجع تانى

ثورتك
ماحد يقدر ياطخها
همتك ماحد
يعرف يزحزحها
يا مصر
يامو الجبين عالي
أمجادك

التاريخ بيشرحها
شعبك الوفي
حموله وصبره كبير
لما يثور
بيثور من غير تأخير

ميادينك
طول عمرها عليه شاهده
أولها عابدين
وآخرها في التحرير
وآدي العباسية نديه قامت تصح
يناير المجيدة
ماحد يقدر يزحزح
شعبك وجيشك جسد واحد

بستان
محبة قوية ريحته تفحفح
يا عرابي قول:
لاحفادك في التحرير
الثورة قامت
مافيش مناص م التغيير
ماهيش وليمة مصرنا
بيقسموها
الشعب كله
لازم يقرر المصير

لاتقوللي
سلفي يا خويا ولا اخواني
ولا ليبرالي يا صاحبي
ولا علماني
قوللي مصر
عايشة ف وجداني
الشعب طلع
بعد طول انتظار

ماهو صبره
فاق اللي في الصبار
الشعب طلع بأيديه
يا خد القرار
لجل ما يجيب م الضلمة
نور النهار
من غير
وصاية يقول كلمته
ياخذ حقه
م اللي سرقوا بسمته

يختار
اللي يعرف يرسم سكته
يختار اللي
يعرف قيمته ومحبتة
الصندوق هو اللي حيقول
مين العدو
ومين م الفلول
مين اللي يمस्क الشراع
مين اللي كان عامل
بهلول

زمن التزوير خلاص راح
الشعب
قال حي ع الصلاح
عمر اللي فات
ماحيرجع ثاني
إرادة الشعب هيه
الوشاح



طـرـه
بكره تحكي وتقول للتاريخ
ع اللي كانوا
في السما مصابيح
سيرتهم بقت غنا وتواشيح

حجر صوّان

حجر صوان

وبتعمل للعيون للعيون
عشماوي
حد قالك كدا
ولانت غاوي
طب عشماوي قانون بينفذ
وانت عايز تطلع
ع الساري
عشان ترقية
تاخذ عين أخوك
عشان
برقية ويجووا يهنوك
معقولة همه كدا
اللي علموك
مش قصدي أمك ولا أبوك
يما هو هوه ولا م البشر

ولا انت أصلا
مش بشر
قلبك حجر صوان
مبيعرفش للحق ينتصر
عاقل انت
قولي ولا مجنون
ولاد بلدك عرفت
إزاي تخون
ورد الجنائين تقطفي
كدا بدري
قبل ماتشبع منه العيون
قولي
إزاي قلبك جابك
قولي
إزاي وعيك سابك
معقولة تكون مصري
ووادي النيل
يبقي ترابك
نسيت قوام خراب
الديار

نسيت إنهم أصلا ثوار
طالعين يجيبوا القرار
لجل ما ترجع
مصر عمار
التاريخ حيسجلك
جو صفحاته خاين
التاريخ حيخليك
جو صفحاته باين
ماركة
مسجلة معروفة للخسة
طول السنين
علي طول تتعاين
يا بهية
معقولة دا من ولادك
يا بهية
معقولة دا من شبابك
لو كانوا دول م العدا
كان يبقي أكيد من أحبابك





(أشعار)

ترانيم فى حب الوطن

إلى يحب مصر

يا ولاد مصر
اوعوا مصر تضيع من أيدينا
يا ولاد مصر
خلوا مصر دايم بين عنينا
وحياة دم الشهدا
اللي روي الميدان
خلّوا الأمل
يعرف من تاني مراسينا
بعد الظلم
خلاص ما انزاح
بعد القهر
ما راح بوشاح
بعد الصبح
ما صار فتاح
بدم

الشهدا اللي ساح
اللي يحب مصر
لازم يخضر أرضها
اللي يحب مصر
لازم يحفظ عهدا
اللي يحب مصر
لازم يعرف حجمها
اللي يحب مصر
لازم
يرفع نجمها
زى زهرة شبابها
اللي ضحوا في الميدان
زى زهرة شبابها
اللي دقوا ع ألببان
لجل ما يعلا
ويعلا صوت الآذان
للعالم
المصري
لسه أروع إنسان
مسلم ومسيحي صلوا

لإله واحد
جوه الميدان
الكل كان واحد
جميعانه
بأيديها محمد اتوضا
ويانه العالم
كله كان شاهد
همه دول
بجد زادهها وزودهها
همه دول
بجد ولادهها وشبابها
اللي شربوا
من مية نيلها
اللي قالوا
مليون لأجلادها
زى ما قالها
الشيخ شعراوي
كررها بعده كتير
الراوي
لما الشعب الحر

يثور ع الظلم
لازم يرجع
يمشي خطاوي
عن سواعده
يشد حيله ويشمر
يرفع أيده يبني ويعمر
يحفر ويساوي ويسمر
يحمي بلاده
م اللي يدمر
ثورة شبابها
اللي قالت
تعدل مصر اللي مالت
إرادة الشعب
اللي اتشالت
ترجع حره زي ماكانت
أمشي
محدث يا خدني اشتباه
محدث يدور عليه
يقولوا تاه
إرادتي

مصريتي هيه عنواني
مصر هيه أمي
وهيه الجاه
بكره اللي جي
أحسن من النهارده
من غير خوف
ولاظروف شـارده
الأمل متسطر وباين
في عيون الولاد
مصري ماكانت عفية
مش عارجه
مصر مش تكية
ولا عزبة لحد
ولا حيلها ف يوم
أبدا يتهـد
مصر الغالية
لكل المصريين
وجميلها علينا لازم يترد

قول رأيك

قول رأيك

ياولاد مصر الغالية
يا أحرار
ياولاد مصر الباقية
يا ثوار
شهر يناير ألفين وحدا شر
م الضلمة
طلعتوا نور النهار
بس لازم يكمل المشوار
بأيدينا الحرة ناخذ القرار
ونقول للدستور زى ما نقول
من غير خوف وبإصرار
يا ابن مصر يناير
إنسي زمان
نبض الحرية خليه يبان
خبط علي جارك

وكل البيان
لازم تشعر
وتحس إنك إنسان
إن الأرض دي أرضك
صوتك
مايقلش عن عرضك
إوعي تفرط أبدا فيه
رب الكون
عنه حيحاسبك
دستور مصر هو دستورنا
يحمينا م الحاكم لمايغدرنا
زمن التزوير
راح وانزاح
خلي العدل ينور دورنا
متقولش
زى زمان وأنا مالي
دم الشهدا اللي راحوا غالي
خلي صوت الحق
دايما عالي
إرادة الشعب المصري تلالي

متخليش
دم الشهدا يروح هدر
من غير رأيك
الحرية ف خطر
لما الشعب يريد راح تجيب القدر
وتعوم الصحرا من كترالمطر
بين الحق وبين الزور
خليك

زى ما كنت جسور
يوم الاستفتا
لازم تطلع وتقول
تفرش
للحرية أغلي زهور
ارفع راسك
حقك اطلع دور
دايما مصر الحره
عليك بتدور
مهما غاب بينور
الظالم مهما طول لازم يتغور

يا شهيد رفح



يا شهيد رفح

وحياة حزنا
يا شهيد رفح
اللي عملوها
دول ولاد سفح
ماهمأش من جنس البشر
الشيطان
من فعلهم انبطح

وانت واقف
ع الحدود تحمي أرضك
صايم
موحد لربك حافظ لفرضك
حب الوطن

جوه عروقتك بيجري
ساكن في قلبك
هو طريقتك ودربك
ساعة فطارك
الغدر جالك وأخوك بيركع

الحسرة
عليك ويا الألم جوانا بتوجع
لأنه جبان
اختار الأذان ساعة لغدره
ولأنك
شهيد ودمك جديد سينا
بتدمع

طول عمرها بدمنا
مروية
هيه كدا سينا دمننا
هو الهدية

عشائها الروح
بتهون
لجل ما تفضل رملتها ندية
كمل
فطارك عند ربك
مين يا شهيد بقي قدك
يوم حشرنا هال علينا

التمر
مفروش علي خدك
كمل صلاتك
ويا الملائكة في السما
إدعي ولاد مصر
ينسوا شوية الأنا
يناير مش غنايم

بيقسموها
ظلم سنين

مش حيروح في سنا
قولهم
مصر ليه بتقطعوها
قولهم
مصر ليه بتمر مطوها
طول عمرها هيه الباقية

وانتوا لازم يوم
حتودعوها
خلوا التاريخ
بالرجولة يفتكركم
حب مصر يبقي هوه أسيركم
التاريخ عمره ما ينسي
أيوه خلوه يبقي دليلكم

دمك ياابن مصر
مش حيروح هدر
تارك لازم

ييجي م اللي غدر
قول لولاد مصر
كدا وأكثر كمان
قولهم
مصر الحبيبة ف خطر
مصر بتناديكو
تبقوا إيد واحدة

مصر
بتناجيكو والدنيا كلها شاهده
بالمحبة كلنا لازم يكون
حبنا لمصر
هوه الأساس والمعاهدة

يا شمس الضحى



(أشعار)

ترانيم فى حب الوطن

يا شمس الضحى

يا شمس الضحى قللى للغروب
إيه اللي غير القلوب
نساها هوي الدروب
هان عليها الحب
اللي كان

نسيت قوام حضن الحنان
ولا الزمان
مش هوه الزمان
مبقاش لئوفا عنوان
ونظلم
ويانا القدر ونقول :
مكتوب



وبعد سنين العشرة
نفارق المحبوب

ويعيش
جوانا الألم مكتوم
ونقول:
الزمن بيداي جرح القلوب
لا الزمن بيداي
ولا السنين

وتعدي علينا الذكرى
الغالية
منفوفة بالطيف والنغم الحزين
الكلام
الحلو اللي بيننا اتقال

يخلي السؤال
دايما هو السؤال
ليه مبقاش
للوفا عنوان
والقلب يبقي للهموم شغال

صدقتهم



(أشعار)

ترانيم فى حب الوطن

صدقتهم

صدقتهم
حققت فيك ظنهم
ومشيت
يا حبيبي ف دربهم
من غير ماتسأل
أو تفكر
شايف قد ايه فرحهم
معقوله المحبة هانت

معقولة

المشاعر خانت
نسيت العهود التي كانت
حكاويننا لبكره
يحفظها النهر
حكاويننا لبكره بيعطرها الزهر
الشمس
ساعة الغروب توعدنا
بمراسينا المليانه
حب وظهر

ياطيور
هوانا أمانة تفكره
بالعهد التي قوام نسيه
من كلمتين قالهم سفيه
بكره الندم منهم راح يكويه
بعد ما يكون
فات الألوان

زاد العناد ومعاه راح

الحنان
يتمني ويترجي يطلب
السماح
القلب اللي انجرح يقول:
كان زمان

بيّاع اليويو

بياع اليويو



(أشعار)

ترانيم فى حب الوطن

يا حنينه يامه النهارده الثلاث

الخبر

فوق لسان البنات

بياع اليويو لافرش ولابان

بيقولوا

عمره انتهى يامه و مات

البرتقال بقي

حزين ع الشجر

من ساعة ماذا عوا الخبر

أبودمه

هرب خلاص دمه



أبو صره
م الدمع انفطر
ماهو كان بيدلعه ويغنيه
ياخذ
من اسمه ويديله
بضحكة صافيه مروقة
الصبايا
ويا الولاد تحديله
محدث ياما اعتبر
من لحظة الموت والقدر
واترجي م الناس السماح
وان كان غلط اعتذر
الخنافة
قايمة ياماع المكان
نسيوا ان الكل رايع

وفان
صاحبه ملحقش يودعه
مين الي
بيعرف لعمره أوان



من دفتر البدايات

من دفتر البدايات

راح تفضلي ف قلبي
قمر
مهما قال عنك عمر*
واسالي الليل
والسهر
قلبي معاك ع الطريق
وناس

متخافيش من كلام الناس
القلب مليان بالشوق
والاحساس
الكلام مش هوه الخلاص
حبك مفيش منه مناص

قلبي
ما يعرف غير الاخلاص
أنا قلب مش زي القلوب
أنا درب مش زي الدروب

أنا عمري كله ف هوي المحبوب
أنا قلب من نوع تاني
ودربي وخداه الأمانى
بالحب متقسم والشوق يتنسم
بالصدق يتنفس والغدر مايعشم
بالحب جو القلب بيجسم

ياسلام
الله
صافيه صلاه
لوتفهميه يا حلوة راح
تكسبيه
تقري الحب جو عنيه

تمشي ع الطريق
وهو الصديق
١٩٧٣

*هو الأستاذ عمر عبد العزيز الصعيدي من أصدقاء طفولة
الشاعر وكان معروفا بخفة الظل وعمل صحفيا بجريدة
الأهرام / الطبعة الدولية

من دفتر الغربة

من دفتر الغربة

وحياة الدمع ف عنيه
يامايا في غربتي ديه
يابحر
كله حب وحنيه
بالأمانة
تعملي بأول وصية
سلمي ع الشوارع والحواري
ذكرياتي فيها وسهر الليالي
ع الصبايا أم المنديل أبو أويه
بتغني املالي املالي
وحواويلي وشايلهاالي
واوعي تنسي يامايا
شجرة التوت
دي كانت في يوم القوت
قولي لحببتي

السنادي عليها تفوت
تراعيها
وتقطف منها بإيديها
وتسألها ع الذكري تناجيها
علي بعدي
حتقري الدمع في عنيتها
دي عارفه
حكايتي معاها
مكتوبة فوق الورق
وآه م البعد م الشوق م القلق
من حياتي في بعدي اليوم
وان كان نسي
قميصي الأسمر
والبعد نساه وكان أشطر
حبي ليه برده حيفضل
أكثر
ربيع نشوان اخضر
زهرة بتتمخطر

بغداد ١٩٧٦

الشاعر في سطور



- من مواليد قرية مليج مركز شبين الكوم
- حاصل علي بكالوريوس من جامعة الزقازيق
- عمل أخصائي متابعة ومفتش مالي وإداري بديوان عام محافظة المنوفية
- كما عمل مدير عام لإدارة الأزمات والكوارث بمحافظه المنوفية
- كما كان عضو اللجنة القومية لإدارة الأزمات والكوارث ممثلاً لمحافظة المنوفية .
- وخلال سنوات الدراسة كان أمين عام اتحاد طلاب محافظة المنوفية وعضو اتحاد طلاب الجمهورية .

- صدر للشاعر ديوان إزرع حب عن درار الرؤية للنشر والتوزيع تحت رقم ٢٠١١/٩٣٥٤ بدار الكتب والوثائق المصرية والترقيم الدولي ٢٠١١/٥١٢٣ في ٢٠١١/٥/١٧
- نشرت بعض قصائد هذا الديوان بجريدة المنوفية وجريدة المصري اليوم-
- كما أذيعت بعض قصائد هذا الديوان بأذاعة الشباب والرياضة وصوت الدلتا
- الشاعر عضو نادي الأدب بمحافظة المنوفية
- تم تكريم اشاعر من رابطة خريجي الجامعات
- تم تكريم الشاعر من جريدة عيون مصرية
- تم تكريم الشاعر من جمعية الشبان المسلمين بالمنوفية لمشاركة الفعالة في المناسبات الوطنية
- تم تكريم الشاعر من الاتحاد الدولي للصحافة العربية لجهوده في خدمة الوطن والأمة العربية
- كما تم تكريم الشاعر من الإدارة التعليمية بشبين الكوم لجهوده في برامج التوجيه الجمعي

محتوى الكتاب

٢	بطاقة الكتاب
٣	الإهداء
٤	مقدمة
٧	طول عمرك يا مصر ولادة
٩	شياطين الأقصر
١٣	الناس والغاز
١٧	ياشرم الشيخ
٢١	الوقت عدى وفات
٢٧	يابنت بلدى
٣٣	غنى يا بغداد
٣٧	يا كنيسة القديسين
٤٣	سينا يا غالية

٥١	عمر اللى فات ما يرجع تانى
٥٧	حجر صوان
٦١	اللى يحب مصر
٦٧	قول رأيك
٧١	يا شهيد رفح
٧٧	يا شمس الضحى
٨١	صدقتهم
٨٥	بياع اليويو
٨٩	من دفتر البدايات
٩٣	من دفتر الغربية
٩٦	الشاعر فى سطور
٩٨	محتوى الكتاب

تم بحمد الله
مع تقديري واحترامي لقرائي الأعزاء
الشاعر
إبراهيم إبراهيم بصلّة

